



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

DCXXXVII. Jakob von Jeetze, Hauptmann zu Spandow, verkauft dem St. Georg-Hospital in Salzwedel Hebungen aus Jeetze, Pretzier und Kossun und erhält dafür das Dorf Siep, am 4. März 1529.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

DCXXXVI. Der Rath zu Salzwedel befundet einen von Carsten Hornemann an die Vorsteher der St. Annencapelle auf der Burg vorgenommenen Rentenverkauf, am 9. Februar 1529.

Wie diderich Brun, Heyne moller, Hans rademyn, laurentz Schulte, Hans griben, Clawes konningstede, Henning wittecop, Hans grotayan, Jost vintzelberg, Hinrich meryn, Jost Brewitze, pawell Schulte, Joachim Turitze, Hinrich cernitze, Hans Schermer, Otto Schulte, Hans Schulte von rekelingk, Burgermeister vnde Radtmanne to Soltwedell, Bekennen apenbar mit duffem Breue tugende vor alzweme, dath vor vns erschenen ys Carsten Hornemann, vnse mitborger, vnd heft recht vnd redeliken vorkofft to einen rechten erffkope, vorkofft ock gegenwardig, in crafft duffes Breues, in vnd vp lynem huse, by Carsten Mengebier negeßh boleggen, Twe mark penninge Jarlige renthe vnser stadt weringe den Erzamen Hinrick Czernitzen vnde Joachim malstorpem, vorstender der Capellen Sanct Annen vp der borg, ohren nachkamen vnd Hebbren dylzes Breues mit orem guden willen, vor vestlig marck dersuluen vnser weringe houethsummen, de oben woll to danke togetalt vnd vornoget sint. Duffe twe marck pennige jarlige rente schall vnd will de genomede Carsten horneman edder synes genanten huses besitter alle Jhar to vier tiden des Jhares, alze tho Sunte johannis baptisten dag anfenglich, to Sanct Michaelis dag, to Wynnachten vnd paffen, to isliker tidt den genomeden vorstendern edder oren nachkamen acht schilling penninge, sunder lenger vortoch entrichten vnd betalen, Doch demsuluen Carsten Hornemann vnd dem besitter synes genanten huses den wedderkop der twyer mark penninge Jarliger renthe hir ahne to boholdende etc. — Na cristi vnser herren geburth im vestleinhundersten vnde Negevnndetwintigsten Jhare, dinxtages nach Quafimodogeniti.

Nach dem Originale des Salzw. Archives XXXVIII, 88.

DCXXXVII. Jakob von Jeeze, Hauptmann zu Spandow, verkauft dem St. Georg-Hospital in Salzwedel Heubungen aus Jeeze, Prezier und Kossun und erhält dafür das Dorf Siep, am 4. März 1529.

Vor allermenniglich, denn duffe myn apenbreff vorkumet, die ohn sehen, horen edder lesen, Bokenne Ick Jacob von Jeeze, Bertoldes zeliger szone, itzundt Houethmann to Spandow, vor my, myne rechten menliken lyues lehnereuen apenbar betugende, dat ick mith sulborde des Durchluchtigsten, Hochgeboren Fursten vnd Heren, Heren Joachim, Marggrauen to Brandenborch, des Hilligen Romischen rykes Ertzkamerer vnd Churfurste, to Stettyn, Pommeren, der Cassuben vnd wenden Hertogen, Burggrauen tho Noremberg vnd Fursten to Rugen, mynes gnedigsten Heren, Ock mith Rade, willen, wilschop vnd sulborde meyner gefetteren Jhaen des olderen, Werner vnd Joachim, Frederikes zeliger szone, Clawes, Hennings zeliger szone, vnd Jacob to wultzsche, Joachims zeliger szone, alle gefetteren vnd gebruder, dar mit Ick In samende lehne sitte, eyndrechliken mit frigem willen vnd tidligem rade ewich tho eynem ewigen

vnwedderrupligen kope vorkofft vnd vorlaten hebbe, vorkope vnd vorlate Jegenwardich, In crafft dusses breues, Duffe hir nagefcreuen pechte vnd renthe, nemlichen in den dorperen Jetze, Pretzier vnd Coffun Twe wispell vnd Szoftein fchepell roggen Jarligis pachts vnd Achte Stendelfche fchilling Jarliger tynfe vnd renthe, Alfe tho Pretzier vp vnd ahn mynem haue, dar nu thor tidt Merten Gerkens vpp wanet, Eynen Haluen wispell roggen Jarligis pachts vnd viff fchilling Stendelfch, dar tho dat gericht Hogeft vnd fydeft bynnen thunes, dienst, den tegeden, roeckhoen, mit aller gerechticheit deffuluigen haues In water, Holte, wifche, wide, acker vnder vnd bauen der erden, neynerley buten beflaten, In aller mathen, wu myne olderen vnd Ick den Hoff mith fyner tobehoringe betherto gehatt, bezeten vnd gebuketh. In eynem anderen Haue darzulueft tho Pretzier, dar nu tor tidt Achim moller vp wanet, vier fchepel roggen vnd Dre Schilling Stendelfch. Forthmer in dem dorpe Jetze, in, vp vnd ahn mynem Haue, darnu thor tidt Ebel wachtell vp wanet, Eynen Haluen wispell roggen vnd im dorpe tho Coffun, in, vp vnd ahn dem Haue, dar nu tor tidt de Schulte vp wanet, Dre fchepell roggen, In merten Schrodors Haue Eynen Haluen wispell roggen vnd anderthaluen fchepell, In Peter Peters Haue vefstein fchepell roggen myn eyn vierth, vnd In Jacob Schernekowen Haue darzulueft viff fchepell roggen myn eyn vierth, vnfhedelick dem vorberurten gadezhufe ahn oren tynfen vnd pechten, fzo fie alrede In vorberurten Haue tho Coffun hebben, Jarligis pachts, renthe vnd tynfe vnd ahn der vorgefcreuen Haue, Houen, acker, wifchen, weiden, wateren, Holten vnd allen anderen tobehoringen derfzuluigen Houe, In aller mathen, wu ick, myne vorolderen den Hoff tho Pritzier, dar nu thor tidt merten Gerkens vp wanet, mith fyner tobehoringhe vnd gerechticheit gehatt, genaten vnd gebuket vnd die anderen vorangetegenden tynfe vnd pechte, alfe die myne gefetteren, Ick vnd vnfe olderen betherto gehatt, gebuket vnd befeten vnd von vpgemelten vnsem gnedigften Heren, dem Churfurten to Brandenburg etc., tho lehne gedragen, Den Erfamen vnd vorfichtigen Clawes lieften vnd Hans Hennings, vorftenderen des Hospitals Sunte Jurgen vor Soltwedel gelegen vnd oren nachkamen by fie vnd dem gedachten Hospital Sunte Jurgen tho eynem rechten eygendohm to ewigen tiden to blyuende. Dar tho Hebbe Ick Jacob von Jetze vorbenompt, den vorbestempten vorftenderen des Szekenhufes Sunte Jurgen Twe Hundert gulden ahn guden ganckbaren groffen, io viervndtwintich fchilling lubifch vor Illigen gulden gerekent, vornuget vnd entrichtet. Hir vaer vnd In wedderftadinge hebben die vorbenomden vorftendere mith rade, weten, willen vnd fulborde Des Erzamen Rades der Oldenstadt Soltwedel darzulueft, auerste vorftenderen des vil berurten Hospitals Sunte Jurgen, my wedderumme vorkofft vnd vorlaten dat Dorp thor Sype genant, mith fzo danen Jarligen pechten vnd tynfen, Alfe Twe wispel vnd Szoftein fchepell roggen vnd Achte Stendelfche fchilling, ock aller anderen gerechticheit, alfe fie vnd ore vorfaren dat gehatt, na vormeldinge orer Szegel briue, my dar auer myt bewillinge Hochgenanten mynes gnedigften heren vorgegelt vnd gegeuen. Solche pechte, tynfe vnd renthe tho Pritzier, Jetze vnd Coffun, mit aller tobehoringe, frigeheit vnd begnadinge, die von vorberurten Haue merten Gerckens gaen vnd kamen, vnd ock die anderen vorangetegede tynfe vnd pechte vnd orem eygendohm fhollen vnd mogen fick vorberurte vorftendere vnd ore nachkamen vor alle andere tynfe vnd pechte, fzo myne gefetteren vnd Ick in denzfuffte houen hebben, Jarligis heuen vnd forderen, ock ewich gebuken mit vphuinge der erften tynfe vp Martini des Hilligen Bifchops negeftkamende, In duffem Jegenwardigem Jare anfangen vnd alfo alle Jare ewich vngehindert vor my, myne gefetteren vnd vnfer aller rechte eruen. Ick Jacob von Jetze vorbenometh vnd myne rechte menlike lyues lehrerffen fhollen vnd willen genanten vorftenderen vnd oren nachkamen dusses kopes vnd gudes eyn

recht gewere wesen vor Idermennichlich. Gescheget ock, dat ick vnd myne eruen ohn dusses koepes nicht geweren, edder dat sie von borurten luden tho Pritzier, Jetze vnd Cossun ore tynse vnd pechte Jarligis nicht bokamen kunden, Alzedenne Rede vnd laue ick Jacob von Jetze vor mick vnd myne rechten menliken lyues lehnruen, die vorbenomeden vorstender vnd ore nachkamen In ander myne gewissen guderen, dar mith szie tofreden vnd benoge hebben, In eynem fernedel Jares, wanner wie daromme hofocht werden, to, wifende vnd diefulfste to eynem eyghendhome mith vnser gnedigsten heren bewillinge vp vnse eygen kostinge to vorschaffen vnd genugsam vorwaringe dar auer thogeuende, szo dat sie ore pechte vnd tynse vullenkamen alle Jarligis krygen vnd derwegen keyne vorkortynge vnd schaden dulden edder liden schullen, vnd wifse gedachte vorstendere vnd ore nachkamen In die guder, pechte vnd tynse der vorberurten haue tho Jetze, Pritzier vnd Cossun mith oren tobehoringen, gerechticheiden, fryeiden vnd gnaden, alze myne ghesetteren, Ick vnd vnse uolderen die gehatt vnd beszetten hebben, ewich vor ore eygen vnwedderruplich to hebben, tobekommen, togeneten vnd togebruken, Gheuen vnd uorlaten ock uilgenomeden uorstenderen vnd oren nachkamen gnade, frigkeit vnd gerechticheid, szo ick vnd myne eruen In, vp vnd ahn uorberurten haue merten gerkens vnd myne gesetteren vnd Ick ahn denn anderen angetegeden tynsen vnd pechte gehatt hebben, in craft vnd macht dusses briues. Alle stucke, puncte vnd artikell dusses briues Laue Ick Jacob von Jetze vor my, myne eruen by mynen ehren vnd truwen stedes, naeste vnd vnuerruckt toholden, alles getrewlich vnd vngeferlich. To vrkunde hebbe Ick Jacob von Jetze vor my vnd myne eruen myn angeboren Ingefegell williken laten hanghen benedden ahn dussen brieff. Nach Christi vnser heren gebordt Vefsteinhundert vnd Negenvndtwintich Jare, ahn Donredage nach Oculi In der Vasten. Vnd wie Jaen der Older, werner vnd Joachim, Frederikes zeliger szone, Clawes vnd Jacob von Jetze, gebruder vnd gesetter, Bekennen vor vns vnd vnser alle rechte menliken lyues lehnruen, dat dusse uorberurte koep, alze die durch uorgnanten vnser gesetteren Jacob von Jetzen, na uormeldinge dusser uorscryuinge gedaen, Dath diefulfste vth vnser alle Rade, weten, willen vnd fulborde gescheen, Dar tho wie vor vns vnd vnse rechte menliken lyues lehnruen vnser willen, fulbordt vnd gunst gegeuen hebben, Gheuen ock nach aller nottrufft vnd wu wontlich, Reden vnd lauen szodanen koep In allen stucken, puncten vnd artikelen, wu die In dusssem briue bauenberuret vnd vthgedruckt, uor vns vnd vnse rechte menlike lyues lehnruen stede, naest vnd vnuorbraken by vnser ehren vnd truwen wol toholden vnd vpbestempte Hospitall Sunte Jurgen, de uorstendere deszulften Szekenhuses vnd ore nachkamen ewich vnd tho ewigen tiden dar by tobeholdende, In craft dusses briues. Des tho merer szekerheit hebben wie vpgemelte Jaen, werner, Joachim, Clawes vnd Jacob van Jetze vor vns vnd vnse eruen eyn Illich syn Ingefegell willich laten hengen benedden ahn dussen brieff, Die gegeuen vnd gescreuen is nach Cristli vnser heren gebordt Dufent uifhunderth, dar na Im Negenvndtwintigsten Jare, ahn Donredage nach Oculi In den hilligen Vasten.